

陽武縣志卷之十一

藝文志

日月經天山川華地文固二儀之所炳耀也國史
邑乘無藝文以麗之譬罔無州木人不鬚眉矣故
世家列傳割昔史之鴻篇蘇碣竟謠收前人之逸
響庶百里提封不至爲子山所咲惟寒山一片石

耳志藝文

王言

明

景泰四年遣都察院右副都御史王暹致祭河伯文
惟神奠鎮茲土以庇利爲職比聞連歲伏陰雨雪
過多農事艱舉人民悉食困斃不勝朕心憫惻此
固朕之不德所致然念朕與神受育民之責於天
其任惟鈞而神則又獨司陰陽闔闢之機物理變
化之運必令此沴爲民病乎咎固當歸於朕神亦
焉得而辭故敢以告尙冀神休大布陽和之惠溥
成發育之功專候感通以慰輿望謹告

景泰四年遣刑科給事中姚旭祭告河伯文圖以兵

民爲本兵民以食爲天仁政所先親加於此方秋
百穀將實重以漕運方殷雨澤罕敷河流多矣兵
民所望疇當副之夫朕爲國子民而神爲民捍患
殲_殲皆天職然有司存朕所能爲豈敢畏難於朝夕
神之易舉詎可辭勞於指麾沛膏雨以作豐年助
順流而爲通道願有禱也冀無負焉謹告

宣德年工部虞衡司郎中李訓誥命

國家用人所以熙庶績故有其效者則必有欽進
之典焉爾行在工部虞衡清吏司郎中李訓累佐

郎署克效勤勞歷年茲多是用陞擢益克懋懋
有寵褒茲特進爾階爲奉政大夫錫之誥命夫官
成而怠君子不爲也尚益奮勵以典爾庸欽哉
成化四年吏科給事中毛志勅命

國家設六科給事中所以平奏述詳命令審復是
非駁正違失其任重且要矣非得恭慎端直之士
曷克稱焉爾吏科給事中毛志發身賢科擢任斯
職歷年茲久茂著才猷特進爾階徵仕郎錫之勅
命以示褒榮夫君近侍之職在識大體而略細故

扶正道而進謹言爾宜益端乃心勵乃行母徇母
激懋于厥官尙有顯秩待爾後成欽哉

成化八年南京山西道監察御史藺澄勅命

朝廷設監察御史欲其振風紀舉憲綱激濁揚清
以成國家之治也匪得廉慎剛明之士曷克稱

焉爾南京山西道監察御史藺澄發身賢科擢任

風紀歷年既久聲績著聞宜錫寵恩以旌勞動是
用進爾階文林郎錫之勅命以爲爾榮夫官以察
爲名以言爲責貴于畧細故而存大體扶君子而

陽江縣志 卷之十一 三
抑小人爾尚益正乃心益潔乃行毋私於法毋撓
於勢毋許以爲直毋苟以爲能夙夜懋修用光寵
命欽哉

洪治三年刑部湖廣清吏司署郎中專員外郎馬龍
誥命

刑部古秋官而置屬特詳盡職專邦禁大小刑獄
係焉非得廉恕明慎之士曷克以稱刑部湖廣清
吏司署郎中專員外郎馬龍發身賢科累遷今職
歷年茲久克慎且勤宜錫寵恩以旌勞勩是用進

爾階奉直大夫錫之誥命以爲爾榮尙體朕欽恤
之意懋修厥職毋縱毋苛用昭時譽爾惟欽哉

正德十二年廣東道監察御史王光勅命

國家設風憲之職以監察爲名內肅百僚外巡羣
服于事未始不得預于言無所不得陳顧責任之
甚艱肆班行之特重匪兼才行曷稱簡求爾廣東
道監察御史王光鄉榜魁英甲科高第首屈邑令
茂展民庸賢勞累奏於旌書顯秩超遷於臺憲抗
章廷陛論列有聲按部落方激揚無忝矧官箴之

克守肆行檢之肆彰考最既書寵褒宜示茲特進
爾階文林郎錫之勅命於戲爲政莫難於風紀已
徵名績之良事君務在於忠誠勿替初終之節益
臻來效以示登崇欽哉婦專饋祀儀行不出於閨
門國重褒封寵命必均於伉儷况乃賢能之配可
無推錫之恩廣東道監察御史王光妻婁氏儀度
周詳性資婉嫕秀鍾舊族德媿英流禮儀相成志
不違於姆訓勤儉自勵動必協於家規婦道旣修
褒章宜錫用旌內助式灑中闈茲特封爲孺人

敦祗慎之風益迂駢蕃之寵

贈廣東道監察御史王嵩勅命

朝廷待士之恩莫重於褒錫人子報親之志莫切於顯揚矧惟世宦之良克懋家傳之業肆推恩命奚間存亾爾故山西平陽府河津縣縣丞致仕王嵩乃廣東監察御史王光之父學贍才優行修志篤業成胄監官列花封守已愛民方馳聲於佐政投閒歸老遂樂志於田園顧惟令子之登庸寔出義方之貽訓揚清激濁各振臺綱錫類追崇光生

泉壤國典方新而未已慶源斯衍而彌昌茲特贈
爲文林郎廣東道監察御史庶其未泯之靈歆此
至優之渥

母德兼乎教育與父式均君寵重於褒崇惟臣是
勸顧乃忠賢之績足徵慈範之良風教是關幽則
罔間爾孟氏乃廣東道監察御史王光之母慈孝
夙全儉勤兼至系由名族嬪於儒門秉正道以相
夫功光仕籍佐義訓以成子榮陞憲臺顧風紀之
茂彰已泉扃之久闕養違鼎釜報德之願徒勤光

賈絲綸追卹之恩宜厚茲特贈爲孺人匪徒慰懇
靈於九原亦以播休風於奕世

嘉靖三年中憲大夫保定府知府王光誥命

光誥之任在郡守爲甚隆錫命之榮在司封爲大
重蓋法有定制而恩有特施凡沾旌獎之名必在

褒嘉之列爾直隸保定府知府王光誥請賢科司

官劇邑北入遷于憲府載出守于各郡伯長守世

惕之心恒敷善政處事勵公勤之志不替官箴薦

刻交騰聲稱茂著肆加恩寵用獎賢勞茲特進爾

階中憲大夫錫之誥命於戲養民以施惠爲先已
徵嘉績保譽以永終爲善益勵初心尙有崇階以
需來效欽哉

臣有事君之功家隨以顯妻有從夫之義身與共
榮國典俱存爨倫攸繫直隸保定府知府王光妻
封孺人婁氏出自名族嬪于儒門順王從夫志不
違於姆訓勤儉率下動必協於家規載錫褒章用
旌賢德特加封爲恭人益虔敬戒之心以迎嘉祥
之至

贈中憲大夫保定府知府王嵩誥命

臣之賢能既稱其位而勞於國君之發命必錄其
身以及其親豈但推恩用申不匱之義亦惟報德
以盡罔極之心爾贈文林郎廣東道監察御史王
嵩乃直隸保定府知府光之父稟質純良持身勤

慎蚤登仕籍晚樂田園眷惟賢嗣之成才益表陰
功之薰積內臺奏績已荷追崇外郡遷官再申推
錫茲特加贈爲中憲大夫直隸保定府知府非惟
彰裕後之休亦以著光前之美

母德兼乎教育與父實均君寵重于褒封惟賢是
勸幽明罔間今古弗殊爾贈孺人孟氏乃直隸保
定府知府王光之母稟行純良持家勤儉相夫以
禮教子多勞見今四品之崇階已棄三牲之至養
載頒寵命用慰孝思茲特加贈爲恭人諒增耀於
九泉尚垂休於百世

國朝

康熙三十六年浙江衢州府常山縣知縣堵之煥勅
分符百里必遴出宰之材報最三年奚

重懋官之典爾浙江衢州府常山縣知縣
堵之峻雅擅才能克宣慈惠撫綏有要常
深疾痛在已之心懷保無窮不忘顧復斯
民之責茲以覃恩授爾爲文林郎錫之勅
命於戲前勞已茂用褒製錦之能來軫方
道益勵飲冰之操

康熙五十二年江南池州府建德縣知縣加一

級張素履

勅命分符百里必遴出宰之材報最三年爰重懋官

之典爾江南池州府建德縣知縣加一級張素履
雅擅才能克宣慈惠撫綏有要常深疾痛在己之
心懷保無窮不忘顧復斯民之責茲以覃恩授爾
爲文林郎錫之勅命於戲前勞已茂用褒製錦之
能來軫方道益勵飲冰之操

康熙五十二年分守山西水泉營副將管遊擊
事加一級劉文貞

誥命簡蒐軍旅運籌參坐鎮之權筭握兵機決策贊
元戎之壬克宣勇力宜錫崇褒爾分守山西水泉

營等處地方副將管遊擊事加一級劉文貞禦侮
長才折衝壯畧虎符分統作上將之股肱鶴列森
陳樹偏師之羽翼奏膚功於保障展茂烈於干城
慶典欣逢殊榮用沛茲以覃恩特授爾階驃騎將
軍錫之誥命於戲聲威有赫良由將帥同心綸誥
生輝祗受國家上賞益勤武備永荷恩光

雍正十三年中憲大夫直隸霸昌驛傳糧餉副

使道孫魯

誥命九賦惟均爰藉佐宣之職三農用勸遂分掌計

陽直隸元 卷之十一 九
之司爾直隸霸昌驛傳糧餉副使道孫魯滙事多
能在公匪懈慎稽出納脂膏不賒於閭閻勤勉輸
將總積咸登於倉庾旣逢慶典宜錫寵章茲以覃
恩授爾階中憲大夫錫之誥命於戲秩叅方岳聿
抒挽運之勞恩重絲綸特賁休嘉之命

雍正十三年湖廣襄陽府宜城縣知縣蘭壻

勅命分符百里必遴出宰之材報最三年爰重懋賞
之典爾湖廣襄陽府宜城縣知縣蘭壻雅擅才能
克宣慈惠撫綏有要常深疾瘠在己之心懷保無

寤不忘顧復斯民之責茲以覃恩授爾爲文林郎
錫之勅命於戲前勞已茂用褒製錦之能來軫方
適益勵飲冰之操

乾隆二年直隸南運河滄州捷地汛把總孫廷
錫之父孫忠

勅命寵綏國爵式嘉閭閻之勞蔚起門風用表庭闈
之訓爾孫忠乃直隸南運河滄州捷地汛把總孫
廷錫之父義方啟後毅似開先積善在躬樹良型
於弓冶克家有子拓令緒於鞬鈴茲以覃恩贈爾

爲奮力校尉錫之勅命於戲錫策府之徽章洵承
恩澤荷天家之休命永賁泉壚

乾隆二年直隸南運河滄州捷地汎把總孫廷

聖之祖孫治邦

勅命丹霄沛澤用宏錫類之仁紫誥廷恩彌著貽謀
之善爾孫治邦乃直隸南運河滄州捷地汎把總
孫廷聖之祖端謹禮躬恪勤裕後啟休聲於奕葉
詩授兔置樹嘉績於再傳書承豹畧茲以覃恩賜
封爾爲奮力校尉錫之勅命於戲行家門之餘慶

欣被殊榮懋閭閻之宏猷欽承異渥

乾隆三年南陽府內鄉縣教諭靳五雲之父靳

勇

勅命任使需才稱職志在官之美馳驅奏效報功膺
錫類之仁爾勅勇乃河南南陽府內鄉縣教諭靳
五雲之父雅尚素封長迎蕃氣弓冶克勤于庭訓
箕裘丕裕犬家聲茲以覃恩馳騁爾爲修職郎河
南南陽府內鄉縣教諭錫之勅命於戲肇顯揚之
盛事國典非私酬燕翼之深情臣心彌勵

乾隆九年候選州同王履慶之祖王元諮

勅命考績報循良之最用獎臣勞推恩溯積累之遺
載揚祖澤爾王元諮乃候選州同王履慶之祖錫
光有慶樹德務滋嗣清白之芳聲澤留再世衍弓
裘之令緒祐篤一堂茲以爾孫遵例急公馳贈爾
爲儒林郎錫之勅命於戲聿修念祖膺茂典而益
勵新猷有穀貽孫發幽光而不彰潛德

乾隆九年候選州同王履慶之父王廷鈺

勅命資父事君臣子篤匪躬之誼作忠以孝國家弘

錫類之恩爾王廷鈺乃候選州同王履慶之父善積于身祥開厥後教子著義方之訓傳家裕堂構之遺茲以爾子遵例急公贈爾爲儒林郎錫之勅命於戲殊榮必逮於所親寵命周光夫有子承茲優渥永茂忠勤

乾隆九年直隸冀州衡水縣知縣王廷銘

誥命分符百里必遴出宰之材報最三年愛重懋官之典爾直隸冀州衡水縣知縣王廷銘雅擅才能克宣慈惠撫綏有要常深疾痛在己之心懷保無

窮不忘顧復斯民之責茲以遵例急公授爾爲文
林郎錫之勅命於戲前勞已茂用褒製錦之能來
軫方適益勵飲冰之操

雍正十三年湖廣襄陽府宣城縣知縣蔭塙之

父蔭塙

勅命求治在親民之吏端重循良教忠勵資敬之忱
聿隆褒獎爾蔭塙乃湖廣襄陽府宣城縣知縣蔭
塙之父禔躬淳厚垂訓端嚴業可開先武毅乃宣
猷之本澤堪啟後貽謀裕作牧之方茲以覃恩贈

爾爲文林郎湖廣襄陽府宜城縣知縣錫之勅命
於戲克承清白之風嘉茲報政用慰顯揚之志昭
乃遺謨

乾隆九年直隸興州衡水縣知縣王廷銘之父

王詢

勅命求治在親民之吏端重循良教忠勵資敬之忱
幸隆褒獎爾王詢乃直隸興州衡水縣知縣王廷
銘之父禔躬淳厚垂訓端嚴業可開先式穀乃宣
猷之本澤堪啟後貽謀裕作牧之方茲以爾子遵

例急公贈爾爲文林郎直隸興州衛水縣知縣錫
之功命於戲克承清白之風嘉茲報政用慰顯揚
之志昭乃遺謨

世家傳

漢

陳丞相世家 節錄史記

陳丞相平者陽武戶牖鄉人也少時家貧好讀書有
田三十畝獨與兄伯居平爲人長美色及長可娶妻
富人莫肯與者貧者平亦耻之久之戶牖富人張負

有女孫五嫁而夫輒死人莫敢娶平欲得之邑中
喪平貧侍喪以先徃後罷爲助張負旣見之喪所獨
視偉平平亦以故後去負隨平至其家家乃負郭窮
巷以敝廡爲門然門外多有長者車轍張負歸謂其
子仲曰吾欲以女孫子陳平張仲曰平貧不事事一

縣中盡笑其所爲獨奈何子女乎負曰人固有好美
如陳平而長貧賤者乎卒與女爲平貧乃假貨幣以
聘于酒肉之資以內婦負誠其孫曰母以貧故事人
不謹事兄伯如事父事嫂如母平旣娶張氏女齋用

益饒游道曰廣里中社平爲宰分肉食甚均父老曰
善陳孺子之爲宰乎曰嗟乎使平得宰天下亦如是
肉矣陳涉起而王陳使周市畧定魏地立魏咎爲魏
王與秦軍相攻於臨濟陳平固已前謝其兄伯從少
年往事魏王咎於臨濟魏王以爲太僕說魏王不聽
人或讒之陳平去久之項羽畧地至河上陳平往
歸之從入破秦賜平爵鄉項羽之東王彭城也漢王
還定三秦而東殷王反楚項羽乃以平爲信武君將
魏王咎客在楚者以外擊降殷王而還項王使項悍

拜平爲都尉賜金二十鎰居無何漢王攻下殷王項
王怒將誅定殷者將吏陳平懼誅乃封其金與印使
使歸項王而平身間行杖劍亡渡河船人見其美丈

夫獨行疑其亡將腰中當有金玉寶器目之欲殺平
平恐乃解衣裸而佐刺船舡人知其無有乃止平遂
至修武降漢因魏無知求見漢王漢王與語而說之
問日子之居楚何官曰爲都尉是日乃拜平爲都尉
使爲參乘典護軍諸將盡謹曰大王一日得楚之亡
卒未知其高下而卽與同載及使監護軍長者漢王

聞之愈益幸平遂與東伐項王至彭城爲楚所敗引
而還收散兵至滎陽以平爲亞將屬于韓王信軍廣
武絳侯灌嬰等咸讒陳平漢王召讓平曰先生事魏
不中遂事楚而去今又從吾游信者固多心乎平曰
臣事魏王魏王不能用臣說故去事項王項王不能
信人其所任愛非諸項卽妻之昆弟雖有奇士不能
用平乃去楚聞漢王之能用人故歸大王臣躰身來
不受金無以爲資誠臣計畫有可采者願大王用之
使無可用者金具在請封輸官得請骸骨漢王乃謝

厚賜拜爲護軍都尉盡護諸將諸將乃不敢復言其
後楚急攻滎漢甬道圍漢王于滎陽城久之漢王患
之請割滎陽以西以和項王不聽漢王謂陳平曰天
下紛紛何時定乎陳平曰項王爲人恭敬愛人土之
廉節好禮者多歸之至于行功爵邑重之士亦以此
不附今大王慢而少禮士廉節者不來然大王能饒
人以爵邑士之頑鈍嗜利無耻者亦多歸漢誠各去
其兩短襲其兩長天下指麾則定矣然大王恣侮人
不能得廉節之士顧楚有可亂者彼項王骨鯁之臣

亞父鍾離昧龍且周殷之屬不過數人耳大王誠能
出捐數萬斤金行反間間其君臣以疑其心項王爲
人意忌信讒必內相誅漢因舉兵而攻之破楚必矣
漢王以爲然乃出黃金四萬斤與陳平恣所爲不問
其出入陳平既多以金縱反間于楚軍宣言諸將鍾
離昧等爲項王將功多矣然而終不得裂地而王欲
與漢爲一以滅項氏而分王其地項羽果意不信鍾
離昧等項王旣疑之使使至漢漢王爲太牢具舉進
見楚使卽佯驚曰吾以爲亞父使乃項王使復持法

更以惡其進楚使楚使歸具以告項王項王果大
疑亞父亞父欲急攻下滎陽城項王不信不肯聽亞
父項王疑之乃怒曰天下事大定矣君王自爲之
願請骸骨歸歸未至彭城疽發背而死陳平乃夜出
女子二十人滎陽城東門楚因擊之陳平乃與漢王
從城西門夜出去遂入關收散兵復東其明年淮陰
侯破齊自立爲齊王使使言之漢王漢王大怒而罵
陳平躡漢王漢王亦悟乃厚遇齊使使張子房卒立
信爲齊王封平以戶牖鄉用其奇計策卒滅楚常以

護軍中尉從定燕王臧荼漢六年有人上書告楚王
韓信反高帝問陳平平曰古者天子巡狩會諸侯南
方有雲夢陛下第出偽游雲夢會諸侯于陳陳楚之
西界信聞天子以好出游其勢必無事而郊迎謁謁
而陛下因禽之此特一力士之事耳高帝以爲然乃
發使告諸侯會陳吾將南游雲夢生因隨以行行未
至陳楚王信果郊迎道中高帝豫具武士見信至卽
執縛之載後車信呼曰天下已定我固當烹高帝顧
謂信曰若毋聲而反明矣武士反接之遂會諸侯于

陳盡定楚地還至洛陽赦信以爲淮陰侯而與功臣
剖符定封于是與平剖符世世勿絕爲百屬侯平辭
曰此非臣之功也上曰吾用先生謀計戰勝剋敵非
功而何平曰非魏無知臣安得進上曰若子可謂不
背本矣乃復賞魏無知其明年以護軍中尉從攻反
者韓王信于代卒至平城爲匈奴所圍七日不得食
高帝用陳平奇計使單于闕氏圍以得開高帝旣出
其計秘世莫得聞高帝南過曲逆上其城望見其屋
室甚大曰壯哉縣吾行天下獨見洛陽與是耳顧謂

御史曰曲逆戶口幾何對曰始秦時三萬餘戶聞者
兵數起多亡匿今見五千戶于是乃詔御史更以陳
平爲曲逆俟盡食之除前所食戶牖其後常以護軍
中尉從攻陳豨及黥布凡六出奇計輒益邑凡六益
封奇計或頗秘世莫能聞也高帝從破布軍還病創
徐行至長安燕王盧縮反上使樊噲以相國將兵攻
之旣行人有短惡噲者高帝怒曰噲見吾病乃冀我
死也用陳平謀而召絳侯周勃受詔床下曰陳平亟
馳傳載勃代噲將平至軍中卽斬噲頭二人旣受詔

馳傳未至軍行計之曰樊噲帝之故人也功多且
乃呂后弟呂頹之夫有親且貴帝以忿怒故欲斬之
則恐後悔寧囚而致上上自誅之未至軍爲壇以節
召樊噲噲受詔卽反接載檻車傳詣長安而令絳侯
勃代將將兵定燕反縣平行聞高帝崩平恐呂太后
及呂頹讒怒乃馳傳先去逢使者詔平與灌嬰屯于
滎陽平受詔立復馳至宮哭甚哀因奏事喪前呂太
后哀之曰君勞出休矣平畏讒之就因固請得宿衛
中太后乃以爲郎中令曰傳教孝惠是後呂頹讒乃

不得行樊噲至則赦復爵邑孝惠帝六年相國曹參卒以安國侯王陵爲右丞相陳平爲左丞相二歲孝惠帝崩高后欲立諸呂爲王問王陵王陵曰不可問陳平陳平曰可呂太后怒乃詳遷陵爲帝太傅實不用陵陵怒謝病免杜門竟不朝請七年而卒陵之免丞相呂太后乃徙平爲右丞相呂頹常以前陳平爲高帝謀執樊噲數讒曰陳平爲相非治事日飲醇酒戲婦女陳平聞日益甚呂太后聞之私獨喜面質呂頹於陳平曰鄙語曰兒婦人口不可用願君與我何

如耳無畏呂類之讒也呂太后立諸呂爲王陳平
聽之及呂太后崩平與太尉勃合謀卒誅諸呂立孝
文皇帝陳平本謀也孝文帝立以爲太尉勃親以兵
誅呂氏功多陳平欲讓勃尊位乃病謝孝文帝初立
怪平病問之平日高祖時勃功不如臣平及誅諸呂
臣功亦不如勃願以右丞相讓勃于是孝文帝乃以
絳侯勃爲右丞相位次第一平徙爲左丞相位次第
二賜平金千斤益封三千戶居頃之孝文皇帝旣益
明習國家事勃而問右丞相勃曰天下一歲決獄幾

何勃謝曰不知問天下一歲錢穀出入幾何勃又謝不知汗出沾背愧不能對于是上亦問左丞相平平曰有主者上曰主者爲誰平曰陛下卽問決獄責廷尉問錢穀責治粟內史上曰苟各有主者而君所主者何事也平謝曰主臣陛下不知其驚下使待罪宰相宰相者上佐天子理陰陽順四時下育萬物之宜外鎮撫四夷諸侯內親附百姓使卿大夫各得任其職焉孝文帝乃稱善右丞相大慚出而讓陳平曰君獨不素教我對陳平笑曰君居其位不知其任邪且

陛下卽問長安中盜賊數君欲強對邪于是絳侯自
知其能不如平遠矣居頃之絳侯謝病請免相陳平
專爲一丞相孝文帝二年丞相陳平卒謚爲獻侯子
共侯買代侯二年卒子簡侯恢代侯二十三年卒子
何代侯三十三年何半畧人妻棄市國除始陳平曰
我多陰謀是道家之所禁吾世卽廢亦已矣終不能
復起以吾多陰禍也然其後曾孫陳掌以衛氏親貴
戚願得續封陳氏然終不得

張丞相列傳

張丞相蒼者陽武人也好書律歷秦時爲御史主柱
下方書有罪亾歸及沛公畧地過陽武蒼以客從攻
南陽蒼坐法當斬解衣伏質身長大肥白如瓠時王
陵見而怪其美士乃言沛公赦勿斬遂從西入武關
至咸陽沛公立爲漢王入漢中還定三秦陳餘擊走
常山子張耳耳歸漢漢乃以張蒼爲常山守從進陰
侯擊趙蒼得陳餘趙地已平漢王以蒼爲代相備邊
寇已而徙爲趙相相趙王耳耳卒相趙王敖復徙相

代王燕王臧荼反高祖徃擊之蒼以代相從攻臧荼

有功以六年中封爲北平侯食邑千二百戶遷爲計
相一月更以列侯爲主計四歲是時蕭何爲相國而
張蒼乃自秦時爲社下史明習天下圖書計籍蒼又
善用算律歷故令蒼以列侯居相府領主郡國上計
者黥布反亡漢立皇子長爲淮南王而張蒼相之十

四年遷爲御史大夫蒼與絳侯等尊立代王爲孝文
皇帝四年丞相灌嬰卒張蒼爲丞相自漢興孝文二
十餘年會天下初定將相公卿皆軍吏張蒼爲計相
特緒正律歷以高祖十月始至霸上因故秦時本以

十月爲歲首弗革推五德之運以爲漢當水德之時
尚黑如故次律調樂入之齊聲及以比定律令若百
工天下作程品至於爲丞相卒就之故漢家言律歷
者本之張蒼蒼本好書無所不觀無所不通而尤善
律歷張蒼德王陵及貴常父事王陵陵死後蒼爲丞
相先沐常先朝陵夫人上食然後敢歸家蒼爲丞相
十餘年謝病稱老十五歲而免孝景前五年蒼卒謚
爲文侯子康代侯八年卒顛代爲侯八年坐臨諸侯
喪後就位不敬國除初張蒼父長不滿五尺及生蒼

蒼長八尺餘爲侯丞相蒼子復長及孫顛長六尺餘
坐法失侯蒼之兒相後老口中無齒食乳女子爲乳
母妻妾以百數常孕者不復幸蒼年百有餘歲而卒

唐

韋丞相傳

韋思謙鄭州陽武人也本名仁約字思謙以音類則
天父諱故稱字焉舉進士累補應城令歲餘調選吏
部尙書高季輔曰自居選部今始得此一人擢授監
察御史肅是知名嘗謂人曰御史出都若不下上山

岳震留州縣誠曠職耳時中書令褚遂良賤市中書
譯語人趙思謙奏劾其事遂良左授同州刺史及遂
良復用思謙不得進出爲清水令累遷右司郎中永
淳初歷中書左丞御史大夫思謙在憲司每見王公
未嘗行拜禮或勸之答曰鵬鸞鷹鷂豈衆禽之偶奈
何設拜以狎之且耳目之官固當獨立也初拜左丞
奏曰陛下爲官擇人非其人則闕今不惜美錦令臣
製之此陛下知臣之深亦微臣盡命之秋振舉綱目
朝廷肅然則天臨朝轉宗正卿會官名改易改爲司

屬卿光宅元年分置左右肅政臺復以思謙爲右肅
政大夫大夫舊與御史抗禮思謙獨坐受其拜或以
爲辭思謙曰國家班列自有差等奈何以姑息爲事
耶垂拱初賜爵博昌縣男遷鳳閣鸞臺三品二年代
蘇良嗣爲納言三年上表告老請致仕許之仍加大
中大夫永昌元年九月卒於家贈幽州都督

明

孫節婦傳

毛志

邑人吏科
給事中

按節婦姓孫氏名淑真邑人敏之女幼性慧異其父

教以書計及列女傳卽晚大議迨長敏以無子贅祥
符士人郭寧爲養老壻未幾寧故氏年十九且無出
哀痛幾絕殯葬以禮自是敝衣糲食躬操井臼勤紡
織以事其父有憐其少寡欲奪其忠者氏曰夫有遺
言我不幸而父母蚤逝汝父垂老無子汝當堅節善
事以終其年我已斷髮矢誓許諾矣今寧背盟再適
入耶衆皆感泣無敢言者後庶母張氏幸生一子甫
五閱月而張氏乃顧乳懷保彌三周而父亦卒氏
哀毀踰禮如夫殮葬極力撫弟冀其成立以紹父裔

詎意弟又歿折氏乃矢志愈堅奉先彌謹以祖塋逼
邑慮有後患乃卜地遷葬如儀觀者垂涕年七十有
四卒媼居五十餘年始終一節鄉人咸以爲壺式

堵慶日先生傳

趙 質

堵天顏號慶日世隸陽武籍甫七歲就外傳于封邱

之東江村及執筆學屬文已空同舍生自是歲讀書

東江村以爲常歲壬子中鄉試癸丑捷南宮詔選得

清苑清苑沒簡詞狀滿六載遷工部郎時有採石役

諸郎多不肯與採石事主者越俎屬先生先生無難

色及報竣錫白銀文綺者三進員外正郎中俱以善
職稱遂用積望守湖州久之叅郎湯政遇覃恩封三
代郎有逃兵譁因出奇制勝贊襄之三年進楚臬長
厚持平後致仕歸近三十載享年八十有七卒

清

趙錦帆先生傳

張愼爲

趙賓字珠履別號錦帆生而襁褓中卽能誦太夫人
口占呂氏訓始應童子科邑侯趙器爲國士弛役里
中而復其家己卯登薦剡丙戌成進士得淳化令始

至與父老約則壞成賦令數年升刑部主事爰書集
贖盈几閣無滯獄時當遷者再以他故需次于家後
遂不仕徜徉泉石卒

張含銳先生傳

陳步青

張懷爲字含銳號寒淮陽武人也沉潛篤寔不事浮
華爲文宗左國史漢語必驚人歲壬午舉鄉試丙戌
擢南宮謁選得浙之長興縣時

國朝定鼎之初百務待理先生披星戴月問民疾苦復
進士人而告之曰學校不興人才安出爰立社課士

戊子科先生爲浙江同考拔取皆知名士先生賦性
骨鯁以不善事上官故里家居讀書不輟學問淵博
豫省有大著作中丞潘泉及縉紳人士咸推先生秉
筆纂修邑乘先後兩次所著文集等身壽八十五而
終有立雪堂文集詩集諸稿藏于家子尊性增廣生
見義行

盧九州先生傳

費 璜

盧鑄字禹鼎號九州世隸陽武籍幼而穎異見象童
子在來學舍心慕之願與俱後就外傳逾十年遊泮

永崇貞夷辰辛巳歲大凶盜賊蜂起人相食先生避
處坡中僦舍而居藺書不輟人笑爲迂而先生不顧
也

國朝乙酉登賢書越明年丙戌成進士

命下授江南道監察御史彈劾不避權貴有鐵面風居

臺諫僅四月以被誣故解組歸賈大中丞稔知其誣
欲薦舉先生先生力辭絕意仕進與邑中諸先達聯
儉約社月一會人望之鬚眉皓然以爲洛社耆英優
游林泉壽八十四而終子二長濬生次濟生

郝臥灘先生傳

樊宏宗

郝翀翰字臥灘號健翮陽武籍生而穎異過目成誦
甫應童子試學使者器爲國士丙戌歌鹿鳴丁亥題

雁塔

特簡邵武府司李用刑平允民不稱冤丁內艱歸服闋
補江南太平府司李政事一如邵武人以爲有張釋
之風後解組治別墅於東郊建屋數椽名曰還園植
花竹疏泉石每同諸先達於深柳讀書堂中詩酒陶

適足亦不履歲市三十餘年百宰

王錫穀先生傳

楊仲震

王永祚號錫穀始祖自上蔡徙陽武其先世自奉議大夫以後至先生十一世青箱世業科第蟬聯不絕先生生一歲卽離慈十九復失怙孤苦零丁乃其爲人磊落忱爽自命不凡甫就外傳時卽能背誦十三經弱冠補弟子員試輒冠軍戊午登賢書先生益潛心理學肆力經史所著有四書典要刻屢行世尚有講義諸書遺彙具存先正孫夏峯中州理學宗也先生數與其嫡孫靜子遊凡夏峯遺書皆叅稽焉閱二

十餘年至庚辰始捷南宮時宛平相國一見先生卽
器重之未及薦用而先生以病卒子三兆熊十四歲
入庠夔麟見薦舉附翼邑庠生孫寅辛酉科舉人

張西園先生傳

王夔麟

張素履字西園江南鳳陽府五河人緣始祖諱素禮
以德行薦授陽武縣令秩滿貧不能歸遂家焉越九
世至先生父諱爾韜順治戊子領鄉薦先生承父業
好學不倦早入庠己卯魁戴經庚辰成進士補授江
南建德令辛卯入闈所取皆知名士治民訟平賦均

特舊例正供外率派四千餘金作公項先生詳請革
去建民感戴大中丞嘉美之以清官第一薦

欽取引見候補吏部主事因病歸里卒于家

楊氏雙節傳

郭大典

儒學
教諭

幼嘗流覽史策見古今賢母教子成名身食其報熊
光荻字而下指未易屈今觀楊氏之一門雙節茹荼
菜參卒能教子光大其門其與前史所載有若出一
轍者雖欲無傳不可得已按節婦王氏文學克先女
本邑潘枝楊君之室也生而貞靜曉大義夫弟祥枝

聘于吳亦名門淑女笄年來歸比肩而稱娣姒一門之內融融如也未幾祥枝見背吳孺人年二十一歲一子甫二齡截髮毀容誓以死殉既而自念曰我一日爲未亾人則一日之事尙在我我卽死而公姑在堂若爲余以婦事終子事也藐孤在襁若爲余以母事代父事也疾起而襄大事謹含殮畢卽麻經操作滌洗縫紉百勤于平日之所以事親者曰翁姑耄而喪子隱戚滋甚偶一失歡吾卽負不孝名然斯時瑞枝君猶無恙也越一載君亦以病亡王孺人年未三

子且無子親黨以言餽之王曰烈女不更二夫豈
子之有無乎吾有姪可撫卽吾子也因顧弱姪仲震
謂吳孺人曰楊氏之不卽墜者恃此一點血耳失情
之子易驕其穉倘異日敗檢喪名墜其先緒其異于
覆宗滅祀者幾何且教子者博一科第易成一名行
難吾不欲以科第薄待吾姪也必使吾姪爲名儒爲
端士于是與吳孺人擇名師謹交遊修脛飲食皆出
自針紉之餘逮丁酉秋楊君以龍經魁鄉薦馬蹄響
席門之外捷幟樹斷杼之堂今而後喜可知也而

孺人猶不自安以爲吾平日所期當不在是傳者曰
婦人之有懿行如此大志如此此非特以節婦傳并
以賢母傳也先是余公車北上晤楊君於金臺客邸
相對道其家世甚悉後余司鐸陽武諸子矜言及楊
門雙節事輒起舞余因忘其不文而爲之傳今楊君
恪遵新例鳴于朝廷而

絲綸賁焉彤管彰焉則二孺人之節與楊君之孝均足
千古倘謂余之固陋而能傳之也則豈敢

烈婦趙氏者本縣民何永新之妻生員趙彰之女也
趙累世書香氏甫七歲從其父兄學相通小學內則
諸書年十三工女紅頰笑未嘗或苟及笄聞里有
夫死而改嫁者怒形於色曰凡爲女子一與之醮終
身不改奈何以人而爲禽獸事乎里中女爲之解曰
爨火久虛何以度日氏正色曰獨不聞餓死事長少
失節事最大乎衆諾塞至二十一于歸何門未彌月
聞夫家婚娶之費質其耕田氏盡脫簪珥衣飾以贖
人賢之還其田結褵未滿一載永新病故氏血淚交

流欲以身殉者屢其姑防之甚嚴行止坐臥悉與俱
甫三月葬其夫歸氏泣語姑曰兒係未亡人不叙成
人類膝前有二弟豈無妯娌侍所天在夜臺兒去奉
巾襪姑聞言知其心難轉防範愈密一日氏乘姑假
寐自縊死噫好生惡死人之常情氏竟視死如歸者
何哉蓋明于大義直與忠臣義士捐軀報國同壽千
古彼世之艷婦冶女壞綱常滅倫紀有覩面目寧不
爲烈婦所笑哉

賀烈婦傳

陳步青

有人與事傳者傳信焉疑則否傳大焉細則否今賀
烈婦之事業已得之目觀矣而或爲野史家乘所不
載則不能不爲之傳按烈婦趙姓邑人趙相國之女
賀瑄之妻也生而端嚴舉動有禮十八歸賀越六載
而瑄病彌留之際誓以死殉瑄卒不食者七日孀姑
含涕勸曰若獨不念我乎子死而若從是欲促我於
鬼錄也氏感姑言勉強就食尋謀于族而立繼以承
夫嗣故家人亦不之疑也居無何其父憐其少寡諷
之改適氏正色拒曰婦人夫一而已豈人盡夫也之

十月爲歲首弗革推五德之運以爲漢當水德之時
尚黑如故改律調樂入之青聲及以比定律令若百
工天下作程品至於爲丞相卒就之故漢家言律歷
者本之張蒼蒼本好書無所不觀無所不通而尤善
律歷張蒼德王陵及貴常父事王陵陵死後蒼爲丞
相先沐常先朝陵夫人上食然後敢歸家蒼爲丞相
十餘年謝病稱老十五歲而免孝景前五年蒼卒謚
爲文侯子康代侯八年卒顛代爲侯八年坐臨諸侯
喪後就位不敬國除初張蒼父長不滿五尺及生蒼

臆聞趙氏之風亦可以少愧矣

趙韓奏先生傳

陳步青

韓奏先生者趙其姓五雲其名也世隸陽武籍父錦

江公爲吾邑比部公錦帆之介弟錦帆素號文章鉅

手先生以猶子侍杖履盡窺堂奧爲文奇博典麗不

事膚淺之學弱冠遊泮每試輒軼曹偶式廣出遠邇

傳誦幾於洛陽然貴見之者無不以大器期之奈七

赴省闈而數奇不偶先生絕不介意益刻勵博覽詩

辭得之漢魏近體似開寶以上諸家其記序等篇命

意深厚迥非經生常談人偶得其片紙隻字率珍藏
以爲至寶索者履滿戶外先生從容酌應至忘寢食
不食也後年踰強仕錦江公春秋高先生遂絕意進
取日侍左右備甘脆以承色笑迨二親謝世三年斷
酒肉不入內室一遵紫陽家禮其與人交有面折無
後言然皆出自至性故受者不以爲忤轉敬重焉且
性重大倫凡節婦孝子徃徃見之詠歌臚其事以上
之當道使不草木腐其他懿行甚夥所著有嘯餘集

呂孝子傳略

孫用正

許州學正

呂文者河朔陽武人也世業農兄弟三人文最紡其父呂淵出外久不歸文年十四獨以爲憂遍訪兩年並無音耗時時涕泣雍正十二年正月又將遠出過姊家言此番若不得父耗誓不歸因相持痛哭其姊忽仆少頃躍起若有禳之者大言曰我三郎神也遠路過此見汝弟姊誠孝爲汝報信但渡河而南依官標古道不出三百里廟前有十字大路石獅缺一足則汝父在此矣文遂依言渡河南行至許州北千佛

寺前果有石獅缺足瞿然曰得無是耶急詢之土人
無有知者仰天長號時本寺僧高秀自城歸聞文言
忽憶雍正九年九月間有老翁自言陽武人病此枕
獅而死稟官瘞魃及查問其年貌與出門歲月皆合
遂具稟州守吳公令發骸滴血血滲入一時見者聞
者莫不感歎驚異以爲神或時余司鐸穎昌吳公顧
謂曰是可以風因給以路費使歸父骨而葬於祖塋

記

明

蕭舉人孝行記

邑令景源人

蕭盛字世昌父處士諱通字士達知書計質直果毅
母時氏諱淑倓世昌甫七歲淑倓卒撫於繼母傅氏
諱淑純昌成童補邑庠弟子員由總角甘淡泊冠而
著錄焚膏繼晷雖寒侵暑逼學不間成化戊子科以
禮記魁河南鄉薦明春試不第授例依親讀書壬辰
歲處士卒喪從儒典哀慟如崩粥食別寢明年母淑
純卒禮具悉儼其父葬己世昌卽傍塚築廬室鋪苫
枕塊朝夕號泣異日有村犬來守晝夜伏左右主人

察知至嗾之不去又以索縛固繫之復齧斷軌還人
皆以爲孝感所致期年始啖生菜哀毀骨立歷三稔
衣裳垢破巾履穿裂弗顧也余踵廬凡三見明年
將闕邑士大夫鄉鄰三百有奇人捐資構祠宇僦工
刻石屬余爲記余曰犬亦何知犬知吠非其主耳至
不爲其主守反爲非其主者守以其孚也蓋三年中
歷寒暑閱久暫中孚曰信及豚魚誠然余不能文特
輯見聞爲誌行將達之請問龍章龍錫梓楔豎立異
日登甲第職華要移孝爲忠通顯於時有不推本其

所自也與後之視今亦猶今之視昔誠有待於黃閣
之太史云

潭口寺大王廟紀事

伍九官

知縣

社司土穰統五穀邑長吏春秋報饗之黃河之水天
上來歷番羗而歸尾閭豈無明神主張之河流縣北
時治河者於上流起河伯宮黑洋山其地也前代歲
遣大臣祭之七尺豐碑鐫王言者森立如林不但歲
時伏臘走村農也今河已南移春秋猶于舊祠供犧
牲于潭口寺無涉也自河徙南建有大王廟不佞到

任後河勢孔區北岸崩潰將不支時携篆駐河堤與
水爭旦夕之命瞻拜大雄殿河伯宮上雨旁風徧身
毒茗遂捐俸莊嚴之於大雄則燃香燈於河伯則割
羊而祭適河水復南流兩岸人家安堵未必非大慈
悲之賜而職司黃河者之効其靈也敬紀其事著人
神感應之理云

折漕記

張慎爲

聞之利不百不興害不百不除洵乎伯國者之言也
利而言猶可需也害而至於百則民存者什一矣除

害貴斷而因循苟且乘之百姓之剗肉以醫瘡也其餘幾何夫生沿之久而生弊小臣不敢言大臣不肯言百姓得見天子而言情也何日之有所賴撫斯地者軫念民瘼又遇聖天子從諫轉圜簡朝上而夕下仁人之言其利溥矣陽邑濱于河歲歲奔命于漕也

二者交弊而漕爲甚往者太倉之運附衡水而達于滌迨水變而陸此中弊孔千端不可勝言年億萬轉輸之吏而縮穀其處萬一歲之豐歉不常米昂其價負者販者得以操其緩急且越境而受徒旅之欺廩

人胥人嘗其縷囊蓋所費不貲矣茲我撫軍大人王公昔日四載防河寢瓠子之宮墮桃花之浪著績河

干者素矣幸新命重臨父老養幃思見顏色請下車奉行六條不啻嚴武之再持罽節陶士行之重撫制門也其尤注念者漕折二事夫以縣官仰食萬姓賴下供奉以寔神京非有謀斷足以錄當宁重壻論宏能撤寢聰而可其奏俾億萬漕艘僕夫不嗟况瘁無雨雪載涂之艱雖姚崇十事無此劉切鄭俠之圖無此拔直也事有我所得爲者已之事有我所不得爲

者請之則感德固家家戶戶蒙恩寔子子孫孫也用
是書之石以比峴山之碣石云爾

劉侯生祠記

張慎爲

生祠者古法乎古法之遺也傳曰俎豆者報功者也
報功則宮之寢之宮之寢之此國法也不宮之寢之
則爲祠而已矣不宮之寢之而祠則私矣私故於法
得無不可乎曰畏蠱之人爲之畏蠱之人爲之前此
矣於法不可於情不自知其不可也祠者思也思必
有所寄思之思之神將通之遂葺之祠祠矣而必謹

其目遂被之石石矣而又嫌于無文也遂記之記亦

於法辭行乎曰此亦史法也春秋書災書作善修小

事必書兇乎思也有歌歌也有謠則記亦謠歌之遺

也何不可也寄思於祠又寄祠于紀守祀于石思不

窮寄亦不窮行將寄所寄焉矣初猶葺祠者思之既

而附近祠側者亦將以瞻拜者瞻拜之焉將以歌舞

者歌舞之焉思不獨在一姓也初猶葺祠之人思之

一再傳以長子孫不見者懶有所見焉不聞者優有

所聞焉思不獨在一世也異時外史輯之內史採之

編傳循良天子又將封體而思之矣維小民善思亦善記也洞者誰三韓劉諱邦彥葺祠者誰王氏一族之子姓輩也

謝邑侯生祠記

趙賓

邑西南偏去城可十五里許厥聚落曰五柳蓋曩昔縉紳者流種樹門前儼淵明高致而命名者也某年未壯授經何生所烟火數百家麻麥穰穰稱奧區邇晤何生數數問五柳狀則曰草與人爭地烟火數百家者皆徙而他去白晝無雞犬聲惟同姓諸子於感

父母孔邇尙戀戀首邱不忍稱逋民卽群從中前流
亡者亦且襁負其子從他所遷穉土著甲辰春寒疑
行冬令二月尙墜戶聞剝啄聲令門者啟扉入則戶
外之屨六蓋五柳諸何生余從雋叻崙並兩從濬崙
溥崙焉濬崙者授經時問字弟子也坐定三生曰屬
者穀賤如泥塗旄倪無從得賦錢邑父母迫功令不
能爲青衿地况三生者困鹿空虛又不第苦價佞也
得以苟延旦夕我獨有二天耳謀所以報之欲踵亢

桑畏壘武築一畝之宮於所謂五柳村社而畏之祖

豆而祝之既于三之日伐木經始矣丁丁登登有聲
矣且阻東西南北氓之携畚插匠石之持斧斤繩墨
者勿子來庶聚族構堂稱報德之舉已磨七尺石臥
堦下先生其示之一言誓而樹之比甘棠某曰三生
廬其凡然後不佞潤色以青白之文赤青之章可乎
三牛曰往地大不治四野宅狐兔焉人行草莽中數
步不見臺笠侯溫語勸墾寬其賦稅期會今飯食而
耕隴上者扣角之歌相聞也自逃逋有數人多反饋
衡門號遷客卽青青子衿亦且寄人廡下而餬其口

于四方矣郊以外卓午無炊烟俟撫字心勞皆陸續
歸鄉井曰父母慈背之不祥每社鼓聲闐闐濁膠瓦
盆半醉大聲歌少陟堯科苑則已誓不舉家走之句
卽溥崙亦其人也簿書間聚諸生甲乙之授其尤列
帳前有馬扶風風兩造陳堂下數語得其要領立遣
去初無束矢入故人同榆社與通籍諸公之稱雁行
者至捐俸金助逆旅酒貲絕不令以掌大赫蹏取閱
左青蚊洪水犯官道廩延一帶無車轍馬跡焉邑冠
蓋望于境上一切八簋之陳與果僕從復者蔬粢豚

魚者平直給赤仄商賈家不苦子母錢飛去不來也
歲賦有應輦京師上度支郎或貯少府者旁郡邑不

戒于途遭探丸里父老傾家無能抵侯每解發預選
伍伯中健足饒勇力十數輩豐其饌如鳥飛兔走灘
然而往來及告成事里父老尙暴背簷下嘗未知煮
海客多高貲估人樓船載鹽米昂其直穀之以石計
者五易鹽一斗侯平心疏通使不得上下其手困竭
父鄰封之虎翼者給事上官持郵符鞭笞驛卒所遇
諸郡邑飲食金錢如流水率側目束手莫誰何侯力

白上官虎翼者股栗育遁去此其大畧云爾白叟黃
童胸有野史非三生之私言也某曰二三子之言信
送潤色付三生生求如伏靈芝者幾諸屨蟲之石坂
且載酒過祠下聽鼓腹歌康衢者屬而和焉

序

國朝

謝邑侯禱雨序

趙賓

余年友李茲佩大叅領節溫處歸來談東南人物指
首屈永嘉謝先生賢不容口余心向往久之第無緣

其人今天子建元之九月先生分符侯陽武學術
經綸大要與風聽臚言合喜大叅知人不妄語也先
是河決上流邑三垂悉受水民與魚鱉爭餘粒獨縣
背無恙耳則從來不毛地軍興按籍索朱提兼累年
逋負取足一旦侯多方支吾呼父老子弟于庭曰諸
髦倪其無萌四方志卽軍檄雪片來令不難以一身
爲父老緩須臾諸髦倪恃無恐得高眠井里侯力也
初春水涸驅牛布來牟種泥塗中誓不舉家走爲賢
父母憂歲二月來牟出土才寸許會大風霾雨師避

舍邑黃考鮪背仰天有憂色巷中一畝之宮伊吾寂
寂俟焦然曰眉山長公憫不雨也謂五日無麥十日
無禾此特爲尋常旱乾云耳矧此泔水子遺其何以
堪遂素服蔬食屏車騎儀從徒行禱邑之南潭南潭
者廣袤數十百畝深黝不測疑蛟龍窟宅邑父老謂
其能興雲南管大夫書稱水深不涸則沉玉者至非
耶精誠所通不浹旬而甘霖注農呼于野士絃誦聲
溢贊序于是青衿二三子過余乞贈言以代承筐余
謂江都繁露言天人感應者十九昔桑林以六事籲

天語未畢而滂沱隨焉天高聽卑又何疑于候之乎
而輒應也請與二三子詣廳事誦靈雨既零章爲候
著感應獨異後下車未半載而饑使者按部計殿最
治河大中丞相視工程駐河干司郡鱗集候不動聲

色人人稱善去且廢藩之產之役頌民叩閭上書司
農部奏遣親近郎臣帥爪牙騎怒馬捧天子嚴綸履
敵稽隲漏所在守令屏息東南一帶士民間狀率鳥
獸散候應之緩急得要領國邑安堵若不知有部使
者然鳴琴之暇與諸君子辨律細酬贈邑故爲留候

擊秦地李太白詩天地皆震動是也頃民沒不彰客

弔古者四望于白沙黃艸中迄不知其處侯立石道

左特書博浪沙以表之豐碑曩屬往來者憑軾如親

覩當時中副車之難風云侯未至時子矜與諸齊民

有以株累從他方侯下令禁一切李代桃榷諸逃者

悉携挈至自從所而蠪戶鹿場漸起炊烟矣予曩在

京邸聞侯始視事諸握郵符者避水道陽武挾重使

氣持鞭笞驛卒勒金錢酒食然後去失其意師雍黃

照夜白不御也侯曰父母之謂何忍令赤子供虎翼

者魚肉乎遂慷慨言制府鬚髯怒張制府壯而首歲
諸握符客耳之率從他道去境以內賴以息肩以視
前代循良吏編在史傳者侯行事不謀而合意者其
有縣譜耶他時候三年考績徵書南下其異閭嘉政
必有累牘連章楮不勝列者予且續爲載筆此其篇
矢矣

姜邑侯德政序

趙賓

己丑春王二月三韓姜侯以豐鎬產綰銅符治博浪
甫三月循良聲不歷四馳不佞鷄肋三輔昆弟紀綱

述善政者如一口庚辛壬癸凡五霜不佞郎司寇渡
黃河黃河經砥柱從天下大梁之野無尺寸阜每秋
霖濱河之民憂魚腹今歲平地可舟河朔數百里城
復于隍所見無完堵平邱號名封化爲天塹吾邑崇
墉矗立疑冶金爲之不善崩各廟學數仞宮牆兵燹
後草深數尺卽有巍然存者上雨旁風苦不蔽僕曰
根本地無容艸率捐俸倡紳衿出橐中裝市物料鼓
鳴而奠篝燈而止登登聲不停堂殿門廡一切更新
之春絃夏誦者無倦色又從甚與家言拓奎樓地于

城巽隅翬飛鳥革以聞風氣倩名手刻水示敬謹曰
青青子衿何遠遙緇衣黃冠者之鄭重其教也司文
穢州縣令賦采芹者以大小爲額侯曰吾諸儒視比
隣爲上上獨文學役可異是力爭得當著爲令今歲
童子脫穎者四十人蓋自侯始也侯曰經生之事治
矣二二三父老胼手胝足金錯爾問簞簋爾問諸吉凶
軍實亦爾問遊談不專事天不雨粟爾父老其勿令
終年耒臥蓬蒿爭膏腴也赤日行隴畝伺其惰者笞
無赦其不鹵莽從事即出酒食慰勞之境之東西南

北無茂草石田焉稱兩河開墾最當事者列爲鸚章
冠軍造五省督臣檄禁軍閭鬼方不庭罪都門至鄴
下可千里爲大兵休息地博浪治河北應輸秸符牒
雪片來侯燈下草文書曰博浪隸開封版越三百里
代相人秣馬異日者陳許鄭杞之有事諸台肯以一
線水相寬假乎語蘊甚上之台台不爲忤也緣期迫
溫語勸勉之侯衝風雪一日夜抵鄴鬚眉冰結排闥
謁台座持前說不變台語益溫曰事急矣後不爲
第出河者勿吾令渠下諸將須共獲之出差而歸矣

已于事而旋諸鄰氓載車荷肩策羸蹇絡繹于兩廡
霏霏中泥塗沒胫日僅古吉行之數于時吾邑父老
富者煬竈擁爐酤米汁以速父舅貧者偃仰茅簷下
曝背乎冬之日矣不佞憇里門未三十日雙瞳所睹
與聞于甘泉及里父老者無少異曰爲改歲父老乞
言頌侯不佞以侯之諸大政已刻七尺豐碑中第次
第耳聞目及者塞來意備太史氏異日作史料

贊

明

闕聖帝君廟贊

王用中

偉哉帝君流奕竹帛更數千載英靈孔赫左右吾皇
爰錫寶冊極陟徽崇炳耀今昔羣力載集金料有積
故祠惟喪乃拓乃闕雲構聿成瓊楹螭鳥禱爇桷枅
焜煌丹碧蘊烟裊朝鐘聲互夕神庥匪倖威鑒惟迫
庇此一方無窮仰炙

文

明

震之何辜聿遭斯沴我稼旣成魁胡爲厲熱風烝午
赫曦烘雲金流石焦靡有不焚井巫暴虐其計已窮
焉曩久駐龜坼告凶罇笠旣虛籌車失望奚逝奚奔
靡畜靡養民亦何咎我罪允蔽神之聽之乃監乃泠
沛我甘澍甦此焦禾敢冀倉箱民或少瘳

清

祈雨文

談謔會

松庭
知縣

令奉 天子命而宰是邦也甫入境卽肅拜 神墀
恭申短疏夫不有現今需澤甚殷願待爲霖普潤二

語乎 明聰垂鑒諒沐感乎迺驕陽之肆虐依然曠
野之乾封愈甚羣黎望歲能無怨恫夫令與神所共
者此一方之民也重重之民不能自謀故陽則待理
于令而陰則仰庇于神今令率民而禱神豈其禦災
捍患非所司乎而竟聽諸杳冥恍惚也且夫民有急
而籲于令令不克專則爲之轉籲于上或上以憫民
鑿憫令未必不俯爲從也神之籲帝亦猶是耳 神
冥雲車風馬而上叩天闕乎定知離畢滂沱立甦民

困矣

又祈雨文

談誤曾

松廬知縣

竊照陽邑早已成災補救正需人力秋猶未半滋培

重賴 神庥觀焦灼之晚不閒拋黃犢奠菁葱于早

麥靜聽青鳩禳禱一心簪裾五體伏惟尊神日月懸

懷風霆在手前叨霖露已徵呼吸之通今際憐熱更

望滂沱之賜蓋陽邑之災黎所望於春疇爲倍急而

天公之時雨所溉於麥隴爲最先舉來歲鶯簫社鼓

之報功悉此日撒粟霏珠之播德神聰俯聽民隱均

神爰是擇今 云云 伏冀斗口雲瀾畢宮月離一絲卽

十粟盎盎流膏萬畝待三春
芄芄多稼歡聲雷動香
篆霞蒸

祈雪文

趙五雲

竊照明昭用康固
換麥秋之至來牟立本必需雨雪
之雰鹽撒空中卽云天澤風起柳絮端賴
神麻陽
或自桂月望前甘霖乃沛牟麥雖已盤根
六花尙稽
集霰敢曰下民之孽寔惟司牧之憂
雨闕伏中於皇
之望已淡雪愆冬內率育之貽何存
卽霑足渥優來

春可益霖霖而玉粒紛餘今冬正藉浮
塵昨夜風餐

龍沙之飛未久望蜀情切玉馬之銷希深未自擊民
艱痛心疾首仰祈 明神垂鑒痾瘵轉達 上蒼同
雲布天騰六繞地玉龍酣戰殘甲飛來橫空銀花頰
騰瓊林到處滿目門外深三尺休憐東郭破鞋河陽
豐十年穩兆周雅盈室旦晚 神惠汪濊庶幾遺黎
安休舞逐花光四郊欣看銀世界瑞符岐秀百里無
事鷄骨占敬布徽誠上邀護佑

疏引

國朝

募修元帝殿疏引

談誕會

松庭知縣

癸亥夏陽武旱殺子適恭啓 俞旨署理茲土甫入

境見其川原滄然藟藟蟲他務不遑先率屬虔禱

于 城隍之神遂神之靈履任之三日得雨旱苗稍

沾私竊自幸矣而無如龜坼者深霖霖未能透也嗣

是或越日而禱或越三日而禱或越五日而禱禱輒

小應然不爲陰蛻之所遏卽爲狂飈之所簸密雲之

屯已及匝月凡秋禾之高者下者青而槁者黃而歷

者發穎而樂者垂穗而耨者蒿目刺心爰及乎民不

甚命矣子惟引罪自責日夕籲天乃有客告子曰曷
遷厥雩乎相傳北關之外有元帝廟素著靈顯今其

廟宇雖頽殿庭猶敞曷往禱之予聞之而躍然曰古
者雩不一地往必有徵爰獨吉率屢步禱于祠拜疏
之晨卽雲翳障天細雨飄粟入夜而滂沱大沛連綿
者三晝夜塗泥濺濺溝洫潺湲其入土殆不可以尺
寸計淪浹哉此帝之拯我民也且夫 帝主混元一
切隍社神祇皆屬所部當此霑澆三日夫安知我
城隍之神不鞭霆裂電于冥冥中乎而恩施自上則

仍得曰帝之拯我民也蓋豫民之食以麥爲重故諺

有云一麥抵三秋但當播種時而赤地石田犁鋤莫

展則亦束手子無可如何耳茲則膏流澤潤耕力易

施將見化瘠爲腴差差或或之觀非皆此一雨之所

涵濡而補救者哉于是陽之民歡喜踴躍咸辦香羅

拜于帝庭而共謀所以整葺者或慮其事之難也

予曉之曰修廢舉墜令之職也感恩酬德衆之忱也

予願捐俸爲倡而鳩工庇材衆力擊之不過一轉瞬

而金碧丹雘昇新殿宇矣此殆如秋禾之穡者墜者

樂者考者倏一變而爲茫茫或也夫何難因書疏
之簡端以爲勸

募建通濟橋疏引

陳步霄

稽之王政雨畢而除道水涵而成梁蓋以阪險原隰
地各不同而相度高下者未嘗不因天之道任地之
宜而盡人之力焉故先王之教侯人在疆司空視塗
澤必陂川必梁凡以利厥行也吾邑濱介大河水陸
交衝仕商往來絡繹不絕而縣東一帶地勢汗下兼
以渠溝延綿衆水所歸至止者覓彩虹於何處病涉

者嘆弱水之長流若非創建橋梁何以洪彼利濟爰

告

云云

解杖頭之餘貲共襄勝舉破囊中之青蚨種

茲福田金錢樂施豈必畚揭之親築磚石旣集行見
不日而告成從此火朝覲矣無復褻裳之苦辰角見
也庶免漸車之憂夕陽返照而度阡越陌舉足莫非
平地東方未明而牽車服賈所履盡是周行一以昭
國家蕩平之治一以徵 邑侯平允之休志存康濟者
當不以余言爲河漢云

國朝

還園賦

并序

王永祚

還園先生之築還園也。履土學山穿池作水花竹
茂密林木陰森卽事之題有三十詠。同人之贈多
五七言。每携春酒玉壺無負花朝月夕東園雅集
張序久籠碧紗深柳讀書。賈賦新詠白雪。祚見獵
心喜續貂情生旣枯澀。夫詩腸聊拈撫爲賦體賦
曰

攬東臯之別墅。羨十畝之閒閒。乃急流而勇退。遂解

組以歸田如浮雲而視富貴營菟裘以樂餘年于是
寔窪培痺經始還園編茨作屋運甃結軒剪蓬通路
版築立垣丹丘綠野泌水衡門蒼頭掃徑童子司關
遠塵俗之城市開山林之乾坤誠足以怡情適性娛
目賞心徘徊農文慰藉孤岑天籟蕭蕭以入塵卿雲
淡淡而披襟于斯時也歷夫階登其堂上下俯仰左
右眺望山不必高勢亦竦昂水不必深浸亦汪洋緩
步回磴陟彼崇岡望三徑而躑躅面環堵以徜徉偃
息深柳之下徙倚槐砌之旁東西竹林面搖翠高低

桐陰以主涼板橋之姪霓彩落蛙渚之鼓吹聲揚蔽
日之粉榆鬱鬱凌霜之松栢蒼蒼梅花繞屋芙蓉出

墻至於芳華新豔果寔參差梨李映沼棗柿樹籬橘
柚紛紛葡萄垂垂三桃灼灼二柰纍纍且芍藥之檻
牡丹之畦晚蘭盈鉢籬菊傍溪一灣之芙蓉鷗泛幾
層之玫瑰蜂迷由是再過蕘岸之處延竚學圃之坊
抱甕以代桔槔引綆而汲銀床亦有綠葵白薤青笋
紫薑芥菘菠露蘆服飽霜藜藿脆芙蓉莢芬芳葱韭
區布瓜瓞綿長還園主人時寄傲而倚南牕時隱几

面坐中庭簷鳥爭噪午夢初醒且歌且詠爲賦爲銘
濁酒下漢書痛飲讀騷經竊比于石渠之閣彷彿乎
草堂之亭旣而有客至止倒履懽迎詩壇酒社棋枰
茶鐺觴政紛錯筆陣縱橫高談耳熱雄辯筵驚洛下
之九老堪繪飲中之八仙齊名直可追踪蘭亭之勝
不屑媿羨金谷之聲謬附燕几以坐監尾聊效蛙鳴
而搦管城

黃河縈流賦

馬震生

聞嘗飛閱鄴架披覽史冊而見黃河之水來自天上

出星宿而發源經崑崙而蕩漾抵于闐而滌洄遇阿
耨而汪濊踰積石越龍門雷响而益漲邁呂梁高孟
門電激而彌旺九曲飛濤萬里鼓浪陽侯破礮以岸
起洪瀾漩演而雲盪漢之張鷟泛浮槎窮河源以相
向元之都定承君命出異域以遠訪縱有道元之手
難寫浩翰之狀所可慮者汜濫無期衝決善移憶昔
懷山襄陵也極法量而澎湃將滔天而漣漪神禹乘
四載勤勤而孜孜岫嶠峰下遇蒼水使者得金簡玉
牒於茲從此慰帝咨謝胼胝安羣黎報丹墀地平天

成而民樂熙熙嗣後由商及周歷漢唐以至今日驚
浪或數十年而怒奔駭水或百餘載而逆集則合解
會瀼瀼濕濕崩雲屑雨澆澆汨汨踴蹕湛灤沸潰渝
溢史不絕書文難備述卽我國家歲次辛丑陽桓肆
霍百姓驚愕宸衷眷顧軫念民瘼遣幹濟重臣而委
托出大內帑金而興作河伯畏天威而效靈水勢遵
約束而旋弱迄於今澄清有效兮黃流夜發縈光湍
決無虞兮洪波朝浮彩章鯨鯢屏跡兮龍馬呈祥漕
舳妥適兮玉粒生香閭閻樂業兮舳舻安常堯封欣

底績兮禹服慶堂皇吾儕歌咏帝德感祝無疆不禁
拜手而進颺曰國運煌煌河水洋洋風平浪靜地久
天長

詩歌

五言古詩

明

陽武詠懷

陳平張蒼道
及博浪之事

李慶陽

玉璽戒不力金鏡淪無光大人既龍興烈夫亦鷹揚
伊人各乘時矯若孤雲翔韓椎豈在屢秦氣日以喪

六奇佐揮戈五運開靈昌特來屠沽奮跡往英雄傷
平生冀風期况乃逾故疆灑淚越修垵含凄迥河梁
古墳客嶢嶢春沙鬱茫茫徒瞻松柏路詎申椒蕙芳
遺策竟何在任智終自戕美彼赤松遊援筆卽此章

博浪沙

蘇

壯

本郡太守

河北一片沙南對荊隆口長堤委蛇來秋風響衰柳
云是博浪沙豪哉黃石叟我聞帝王強西秦古未有
罷侯初置郡百二甲兵數喚呵風雷鳴焚書絕蝌蚪

鞭山石向東填海蛟龍吼東遊出函關霸氣冲牛斗

君臣競橫行此道焉可久韓椎繞一擊金輅已頽朽
從者千萬人副車竟誰守精衛試鷹揚祖龍驚回首
却笑燕義士空勞繞殿走太搜徧天下踪跡君知否
清

博浪沙懷古

張毓秀

鷓鴣一枝地卽古博浪沙子房禡秦鬼於此中副車
當其狙擊時奮椎走飛蛇六軍方肅隊紛藉爭喧譁
祖龍本自悍亦復同驚蝸焚書士氣沮任吏風俗汙
赭山愚已甚燔石空谷嗟尙持督責術罔民如密罟

誰知大索日壯士久無家

春日封植韋丞相墓

張慎爲

韋氏神龍氏冠裳併一門
父子相僚友呼喚到開元
一代歌鐘盡寂寂故山樞
芋綿臥石馬毳毼參野猿
漆炬久成燼土花結繡痕
白日勲名耿青山詩句存
我來千載後隧道沒蓬根
三板莖已足數株亦於藩
何處燒芻狗社鼓喧隔村
寒食北原上冷紅飛破墩
不改舊阡陌漠漠遠烟屯

博浪沙

郭大典

冷謨
教諭

虎狼吞六國逆鱗誰敢撻散金募壯士一推祖龍驚
副車雖設中沙邱禍已萌搜索窮十日從容下邳行
夫勇兼大智豈可等荆卿羣龍自此圖中原如沸鼎
駕漢鋤秦鹿爲韓心事成英風邁千古憑弔有餘情

七言古詩

明

博浪沙

李真陽

博浪沙中携椎走鴻門帳前撞玉斗誰謂張良貌如
婦赤帝子起鞭赤龍臣也請歸從赤松赤松子在何

許君不見朝烹狗暮縛虎

清

博浪沙歌

趙賓

黃河浪怒蛟龍號博浪沙吹捲怒濤秦皇旌旗蔽天
來飛鳥晝燕虎豹逃仲連布衣耻帝秦留侯五世韓
相臣弟死不葬遊東海散金物色報秦人揮椎白日
走雷霆山崩谷陷晝冥冥祖龍竟鬼久喪失鮑魚不
待沙頌亭大索朝野盡動播從容受書下邳橋千載
我來問遺蹟谷陵變遷人代遙祠堂豕臥榛莽塞門

捲空庭午寂寥雨雪霏微侵薄暮朔風獵獵鳴野樹
博浪沙懷古
張爾韜

我來城下訪古叢沙水茫茫有遺宮史傳留侯貌類
婦那知意氣蘊長虹瓊巡納履圯橋下晚年辟穀侶
赤松不有仙風與道骨焉能拂袖辭丹極非是終始
自相異平生智勇出其中呂政咆哮吞六國子房視
之狐兔同家世相禕己五世散財給容滄海東一擊
驚破始皇膽大索十日竟無蹤深山大澤藏羽翼幸
也邂逅隆準公臣僕幸得充廡將運籌帷幄佐從龍

借箸畫策酬知己功成不貪萬戶封
舌掉三寸爲帝師飄然去就何從
審導引願棄人間事富貴浮雲過
眼空博浪沙傍池柳苑洞堂萬古
青濛濛餘像清高欽瞻拜歲時香
火走村翁素書可授願教我我亦
脫蹤訪崆峒

博浪懷古做栢梁體

侯良弼 教諭

子房爲報韓仇出一椎博浪風雷叱力士隨輦何祕
密九天九地黃公術誤中自是運未畢決蘇未至秦
鹿失博浪不死沙邱疾爾時趙高方秉筆我願君王

拱璇室詭陪嚴杜讒人望勿縱遊履傲無逸

張丞相故里

楊春泰

真人讖歸赤帝子英雄仗策乘時起陳侯張侯艸野
來同作丞相同桑梓張侯食采在北平混迹風塵故
有里北里繁盛千載前繡閣朱戶散管絃風起雲飛
此一代豪蕪謝盡不知年憶昔漢家恢帝制灌絳盡
帶靈猛氣綿蕞野習何草草五德終始誰曾記律歷
應咨掌故家丞相舊爲柱下吏御史大夫旣貴臣下
朝必謁陵夫人白首且謂他人母啻恩常念伏質身

一自里中罷玉珂鳴鐘不聞聞牧歌功臣帶礪誓猶
在父老那識漢山河栢府門前烏呼風粉榆舊社白
露中壠上剩有墳三尺熒熒野火閃久碧祗吟鄉人
肅樽俎歲時薦萁陳土鼓一朝從龍會合後徃事淒
涼自今古吁噓乎徃事淒涼自今古

秋日過博浪沙

談壯行

瑤圃

柳煙萬樹古跡遮
金飈颯颯吹寒沙
秦祚迄今千百載
眼前景剩秋菊華
秋菊翛然並霜雪
冷香幽質秋容潔
回思博浪正東巡
力士一椎稱俠傑
大索十日

吳雨岍不辨漲秋浦歲歲匏子築西風壁馬空沉沙
河雨破屋能有幾家存鷄犬不聞蛸在戶億昔北折

幹地軸翁勾勢捲相鹿蹙都宮銳意起金堤捷木括
盡淇園竹丁丁斧響災神叢慘淡郊原光藪藪陽木

陰木若雲屯爰派堡夫注色目抵足河干伴朝夕吾

儕小人三千蘆荻蕭蕭風起夜月明水寒鷺與鴛

官家徒有月廩錢不飽惇獨飽吏腹荷文數數察存

留日久烏有但拙捐妻孥出入無完裙且完舊柳四

萬束那堪經雨復經霜鼠穴鼯囊委道傍新尹舊尹

自來去新舊此柳必存場一賠臀膚無人理再賠骨
肉更參商今日河水清且滄待塞宣房是何時上官
或有權宜策因草民勞巧那移如今喜怒關從事得
請不令愚氓知樹人具車甸具積噉噉尔等忍敲之
生長河洲魚鰕民言之無文理則真建祠畏壘象易
蝕鑄石路傍莓生塵不盡歌謠與人日清問下建帝

澤頻

弔張丞相墓

趙 賓

千載上人不可見王侯相終荒甸張公八尺偉丈

能潛藏等於鸞鳳高飛翔激昂荆聶邁豪氣慷慨朱
郭爭剛腸彼何人哉名不聞典冊湮沒而無文稗官
野史之紀載纖微畢錄徒紛紛碑長丈許字如斗周
旋其間時亦久二三父老可與言問爾黍禾成熟否

貞節歌

節孝志王業宏妻何氏

馬晉

乾坤枝撐欲不滅補天浴日賴真節多少冠蓋愧易
絃欣有巾幗心如鐵緬茲壺範正氣繞矢志飲冰與
茹蘖追踪柏舟竟無二心痛泉臺口流血幾番決絕
歸所天舍樓拭淚悲聲咽隱忍且稱未古人念茲藐

孤手中學和熊爲丸豕畫仄可晦螢火與憇雪教兒
好奮青雲志常將艱苦從頭說果爾勝下遵母命午
夜伊唔聲不輟下惟功深理窟透籍隸明經稱英傑
邑侯舉事以上聞榮製金額與棹楔勅命豐碑爲建
坊而今難獎特地設殿屬感茲義氣盛遠近欽重心
切切我黍絲蘿屬世姻親炙松筠更固結漫把蕪詞
裁數字好扶綱常三才列

河上戍民謠

張慎爲

我生不辰在河滸積石西下蓄中土莖花濁浪吼天

夫少年掌書秦王殿風塵邂逅隆準公從龍西入咸陽宮咸陽公卿不好文律歷獨推北平君歌鐘畫鼓曾幾日伐石樹松起新墳墳枕城闌瀕大河鼯鼯苔斑歲月訛父老相傳故侯塚伏臘誰來饒新醴秋來策馬神道前狐兔跳逐樵牧眠嗟乎古往今來盡如斯惟宜招客烹肥傾金卮君不見丞相墓頭艸綈蕤

河決行

靳三雲

黃河怒漲勢滔天河南河北少人烟西自懷州東齊魯湯湯千里無尺土倏忽桑田變滄海魚鼈爲隣蛟

龍舞廬舍傾倒禾黍空家家盡浮洪濤中死者漂沒
生者步四顧徬徨無定踪我昔策馬到河灣男擔負
兮女號扳兩岬哀哀聲不斷百萬生靈呼吸間河臣
章上 皇心憂遣官督役勤築修自從六月至臈月
二百餘日不得休晝塞夜防百計生一朝泛濫幸底
平龍門初合打月堤水患旣息地可耕逃者歸來不
勝悲畧月田園非昔時忍飢耐寒餘殘息稱貸且爲
播種朝孰知今春水復降決堤衝埽隳前功歸者未
幾旋逋竄萬姓朽腹何時充吁嗟乎萬姓枵腹何時

充

五言律詩

唐

凌朝浮江旅思

韋承慶

天晴上初日
春水送孤舟
山遠疑無樹
潮平似不流
岸花開且落
江鳥沒還浮
羈望傷千里
長歌遣四愁
余昔忝省元
岳州張使君
覲潭州王都督
熊同官
聯事後承朝
醴各自東西
張公與王都督
別詩情
頗殷切
余覽以嘆
因遙申和云
韋嗣立

陽正集卷之十一
名
高
茂先王佐才作牧楚江隈登樓正欲賦復遇仲宣來
黃鵠飛將遠雕龍文爲開寧知昔聯事聽曲有餘哀
奉和次瓊嶽應制
韋濟

陸海披晴雪千旗獵早陽岳臨秦路險河遶漢垣長
行漏通鵝鵲離宮接建章都門信宿近歌舞從周王

懷古詠張子房

吳 淇

不就一椎計乃依酒上
鑄韓仇應得報漢祚適當隆
既遂亡秦志寧辭滅項功
黜高薄受賞千古仰高風

子房祠

趙 賓

震天快一擊此地遂千秋
輦路迷荒艸寒雲護斷邱
依然秦世界無恙古沙洲
休問報韓事黃河日夜流

秋日過沁河故道

楊 春 泰

風竄何世界故園自年年
渡口狐狸走河身不稼眠
白沙繞戶外黃葉落秋前
車馬匆匆道無絲間釣船

秋日同謁魏公祠

楊春泰

盤外晴光啟寒雲小徑通龍蛇風雨晴鳥鼠丹青空
廟祀前朝事棠陰百代功徘徊此地去日暮遠山紅

秋日謁相鄉公祠

趙賓

秋風吹杖履一徑入青笥雨霽朝墩濕天空候雁哀
斷碑人墮淚立馬獨登臺合抱祠前柳諸生手自栽

其二

未載元亭酒猶登巖壘堂莓苔斑石鼎神鬼護甘棠
落日妖狐嘯西風野菊香白頭諸父老涕泗滿蒸嘗

重陽後一日曉行至東台寺二首

談誤會

殘月將西墜荒鷄已再啼刺肌風力緊平眺曙光低
村落排門靜川途疊樹迷此行還勝昨拍肚不愁泥

其二

迤邐東台寺疎籬護短襦霜先今曉白燈向漏宵青
五淋聊分水塵屐懶拂屏蘋霞如驗雨急爲問農經

丁祭

王宸起

穆齋
訓導

夜靜齋房寂秋高殿宇清右文遭聖代備禮引諸生
帛醴勤三獻豆籩陳兩楹祭餘同飲福遙見日光瑩

博浪沙

安際昌

欲了平生事散金結狹斜沙中伏壯士狙擊祖龍車
十日徒勞索一夫竟蹈遐當尋圯下老劍說未堪誇
名宦祠

安際泰

千秋俎豆地論定蓋棺年掌故邊人職典儀博士員
松杉遺廟在蚪蚪舊碑懸父老時經過泫然問昔賢
弔張北平侯故宅

盧濟生

功烈顯前漢衣冠藏古邱尙存履屨在那禁牧樵遊
攬轡思陳迹憑高想壯猶遙遙千載下惆悵對松楸

縣談邑侯學舍

陳步青

何年思樂頌此日賦靈光
泮近芹泥潤欄高苜蓿長
豐碑鐫岫巉簷鐸響笙簧
寄語青青子扶搖天際翔
七言律詩

明

春日謁三皇廟

廟在邑東關公
遊蘇門經此

李夢陽

爰從開闢無三聖蠢爾生
民豈至今寂寞廟門誰下
馬選河天地獨沾襟
紫堦藥蔓還春色搖日叢
蒼已暮陰悵望龍髯心更苦
白雲偏繫鼎湖心

博浪沙

王鐸 邑人

平原東去凍雲吹一擊雄風憶往時
秦鼎漢宮推古廟龍潭虎窟有寒鴟
河沙蒼莽還遺恨鐵樹陰森復
弔誰滿眼寇氛鼙鼓急銅駝穀水又旌旗

陽武懷古

王光

夾岸紛爭是此津雲屯百里暗河濱
吁嗟紹旅空擁冀惆悵良樵未報秦
一代功名祇過際百年骨肉總
成塵芳聲遺簡人猶在常使英雄淚滿巾

唐韋丞相墓久爲邑賢憑弔詞章多載入誌內後
漸襍於荒烟蔓草幾不辨其故墟矣余因立碑以
存其跡而弔之

安如泰

知縣

相業當年事已沉朔風迢遞起層陰一生鯁骨藏幽
壑蓋代芳莧傍野林狐兔讙奔荒草合蛟龍夜吼凍
雲深憑臨誰記調羹日松栢長標不朽心

春日封植韋丞相墓

盧鑄

雍州平林問古邨墓田一畝幾千秋縮茅曠代闕中
使駐馬何人拜道周舊隧原邊樵定識新梧塚上雀

爭留覓歸還辨石壇路細雨梨花起暮愁

封植韋丞相墳二首

趙賓

七葉貂蟬舊賜墳東園祕器羽林軍
狐狸此日穿荒隧霜露何人拜夕曛
化鶴應疑城郭客眠牛好禁牧
樵羣來年二月長楊綠寒食啼鵲樹樹聞

其二

遲日青天送塞鴻北郊下馬禮幽宮
龍鱗曾看秦松老馬鬣徒傳海燕功
累世衣裳憐粉米百年詩賦勸
雕蟲請君漫麗雍門淚漢晉諸陵久已空

春日封植韋丞相墓

郝翀翰

華表寂寥何處尋平原莽莽近城陰
鶯花好縱遊人目封植同勞弔古心
抔土寧禁林谷變荒榛未許牧
樵侵鸞臺事業今安在片片白雲空復深

其二

入春猶見草芊芊傳是韋公舊墓田
鷓鴣叫狐眠非一日松摧石爛已千年
瀕繫寂寞清明雨封樹徘徊薄
暮煙陌上行人誰駐罔綠楊深處望鞦韆

列陽武諸生

時饑午麥園

謝包京

知縣

柳條旖旎拂離尊，惜別能消越客冤。豈有菁莪存雅
化，浪傳桃李在公門。種花已謝河陽縣，載酒重勞午
夢園。但使諸君勤澡浴，聲聞雖遠道仍存。

其二

逐客歸心急素秋，殷勤羣彥擁行輶。不因講誦憐公
叔，豈爲絃歌惜子游。裘馬已醒槐穴夢，釣竿直向越
江投。臨岐握手無他語，吾輩須爲第一流。

別陽武父老

謝包京

勞勞碌碌兩經春，無德無恩及爾民。爲感車前情戀

戀敢辭馬首語諄諄力耕慎莫嫌田薄辦稅休教觸
吏噴爲善自來稱最樂睦隣教子孝雙親

其二

睦隣教子孝雙親便是人間人上人富貴由天宜守
分貧窮在我莫生噴心田裕後耕須力忍字從前誨
已諄更有片言須記取一年之計在于春

博浪沙

張慎爲

東西溝水浸平沙此地昔賢曾奮搥城下遺宮叢茂
艸溪邊古樹幾棲鴉千秋勝算借前箸一擊誤人中

後車從此翠華行欲斷何心更復向瑯琊

搏浪沙

王永祚

意氣如君有幾家讐秦未遂亦堪誇一樵楚漢隨蓬
起十日龍蛇蹈海涯天地震驚轟白晝山川杳莽漫
黃沙可憐不了報韓志最是誤人中副車

渡黃河

張天植

星源萬里注天中渡口塵迷極望空沙氣疑分河伯
雨濤聲全湧大王風澤鴻有力爭操舂壁馬無靈費
築宮洛下于今思禹德誰將溝洫識前功

渡河卽目

談謔會

潺潺急溜吼如雷
小艇凌晨截浪開
帆影疾於飛鳥
度灘痕齊逐浪沙
迴盪鬢雨髮
柳城幄騷屑風鬚
麥
迸胎端覺清和天氣好
輕衫細馬渡河來

盪船口渡河

談謔會

晴波淼淼一帆輕
直舫中流自在行
不比檀溪驚躍
馬
繚非采石弔騎鯨
牢愁對此茫無恨
古渡知誰莽
欲更搔首那禁南望遠
孤田漁火萬星明

久旱得雨誌喜

談謔會

如綃如旆展雲頭一夜傾盆大澤流潢海直翻霄漢
表農書預卜黍禾秋返魂香自仙洲覓續命膏從藥
鼎修時祈水於三
仙潭立應狂喜不辭支枕聽任他更箭咽譙
樓

其二

曉簷不斷溜潄潄鳩婦何紡喚屋山濕霧迷濛高樹
外文瀾洄瀆大河間將歲試
諸章頓忘蓬髮初添雪且喜

苔堦靜得間端合僊聲騰四野坡公亭記待追攀

太平鎖印目疊韻

談謔會

凍露纔收曉色蒼
平涉殘雪白於霜
土風矧睦猶敦
厚古道驅馳不厭長
遮莫掀髯追玉局
何須勞目侍
金剛病軀漫說增
寒瘦日日清齋學太常

八月十三日明倫堂朝賀

談謔會

松庭

萬壽聖節恭紀

普天此日並高呼
湛露蒸成澍雨敷

曉雨如注

黼帳簡韶

應舞鳳

時駕北巡

鬩宮羽杖愧飛鳧
丹扆頌進千秋鑑
素

塞雲呈萬壽圖最好
霓裳臨月殿將圓
玉鏡澈冰壺

西郊晚眺

談謔會

城根一曲水雲隈。場圃叢叢林草堆。遠樹烟沉孺子
里。平疇沙沒故侯臺。憤垂斷鞞拋犁卧。僧背斜陽荷
笠回。自是樂郊歌擊壤。油幢遮莫戴星來。

特迥河
北監司

謁留侯祠

劉永忠

丹心一點貫長虹。城闕蒼莽遶故宮。奮擊浪沙秦胆
喪。佐籌鴻宴楚謀窮。魁梧不愧奇男志。狀貌何妨女
子同。可恨赤松茲去遠。終南月冷仰高風。

謁留侯祠

楊仲震

山河久不屬秦家。此地常留博浪沙。尺土一民隨德

轉忠肝義胆至今誇留侯藏用勇兼智力士隱名高
且遐尸祝千秋圖像貌索軍曾否一誼諱

孟節婦

趙五雲

閉門卻掃凜冰霜集蓼撫孤幾斷腸曦照機絲容翟
瞿聲吞春杵淚行行常言當步愁時日折荻折蓼課
綵緇孟母三遷秋實近穩教莘野奏笙簧

雙節坊爲

于二節婦

王夢麟

節著弔農雙助新光駟婺寶列星陳珩璜七誠傳班
史俎五三遷得孟隣介福並如張相母淑儀同比郝

夫人郎君應詔芸書校更有勉封錫紫綸

秋日過博浪沙卽景感懷

談齊曾念溪

博浪沙邊淺水濱秋光如畫足相親
荻蘆風掃浮蘋淨楊柳烟含野菊新
深巷甕香沽酒店平疇鎌響刈禾人
無端俯仰亡韓裔不作秦臣作漢臣

其二

名傳三傑漢初興史冊流芳藉藉稱
亂草亂沙埋亂轍秋風秋雨濃
秋鷹茫茫江霧迷千里疊疊山雲隔
萬層詎獨遊踪增感憤便聞啼鳥也生憎

薄暮登大奎樓卽目

談齊會

層樓一望下斜暉
遍野蒹葭水四圍
薄靄欲成疎樹
菴前村將隱
烟飛家家織婦呼
雞宿担担樵夫換
酒歸返步正逢新月
上半庭梧影入簾稀

渡河

談壯行

灑氣元知銀漢通
雁飛先我過河東
不須擊楫驚濤
裏儘可停橈靜浪
中曲折詎緣人力至
噌泠却與鼓
聲同往來舴艋雖如葉
三幅蒲帆已御風

陽邑苦旱有往三仙潭取水者水至兩沛喜而賦

詩

談壯行

天知博浪厄風沙特指甘泉潤物華
百里已迎新到水四郊猶長舊萌芽
幸依仙闕非生客暫聽人言亦
法家還望滂沱連夕下綠陰深處宿慈鴉

登城卽景和韻

談壯行

盈畦禾黍最安鄉
秋雨纔深水遶塘
六七里堤橋宛
轉兩三層級堞
遮藏相看樹樹青
梨壓那得家家金
桂香往返盍知登
眺暢正須詩骨納
微涼

薄暮登大奎樓和韻

談壯行

便謂登樓趁落暉，秋城似樹樹烟圍。
蘆花未逐蘋花落，沙鳥時依水鳥飛。
縱有遊人應笑晚，更無佳境可忘歸。
宣城自創餘霞句，誰待橫天斗柄稀。

過張丞相故里

費 瞻

北平逝去幾千秋，粉社舊居剩一邱。
蓬徑不存樵子識，茅祠雖廢古梧留。
經行漫下哲人淚，伏臘誰陳處士餽。
斷草寒煙殘照裏，還回誓爲駐車騶。

張丞相墓

陳步青

憑高弔古立風前，相國先朝事宛然。
墓有殘碑埋宿

草祠留遺蹟，鎖村煙從龍。泗上如何日，歸鶴遠東又。
幾年俯仰桑滄，千古是好將消息。問山川。

博浪懷古

樊宏宗

滿志報韓策，畧雄久藏智。勇在胸中一椎足，視秦皇。
魄十日難尋，力士蹤納履。圯橋饒妙筭，運籌帷幄建。
殊功英名千載垂，青史照耀天壤，摠不空。

黃河神廟告成

馬 興

巨浪安瀾，禋祀開輝煌。殿宇好崔嵬，默中自有神明。
佑岬上可無沉璧，來曾發帑金煩。

聖主幾勞策馬委長才於今底定謝河伯廟貌宏厥永
不摧

讀尹大中丞理學吟恭步原韻 王 寅

本屬頑夫與懦夫偶然體認却含糊混淆黑白枰間
子變幻炎涼壁上圖失脚便成千里錯到頭敢說一
毫無鷄鳴而起鷲心處此際明分舜跖徒

劉節婦 劉炳妻刁氏

程奏捷

蕭蕭發室志何堅勁節真堪重史編馬鬣封高三喪
舉熊九和就一經傳佳殺頻奉堂間箸藜藿時虛費

下煙赫赫 龍章來帝座九重冰道夫人賢

五言絕句

唐

南行別弟二首

韋承慶

澹澹長江水悠悠遠客情落花相與恨到地一無聲

又

英華作南
中詠雁詩

萬里人南去三春雁北飛不知何歲月得與爾同歸

江樓

獨酌芳春酒登樓已半曛誰驚一行雁衝斷過江雲

清

經陳孺子故里

趙賓

蟻聲烟樹杪秋色散荒村
闐闐風流地蒼黃落日昏

庫上里

張慎爲

問闕逃楚計漂泊依劉身
一代從龍佐里中宰肉人

又

白日空村暮過祠表蕭清
松風天籟起如聽楚歌聲

又

陳侯天下士容易遂翔起
不遇魏無知終身庫上里

又

龍蛇未有屬蹠血禍區宇庫上無斯人紛紛正割土

又

何處蓆門是蒼烟籠四野年年庫上人宰肉賽秋社

留侯祠

謝包京

知縣

椎碎祖龍家功歸博浪沙荒祠烟磧裏古木有寒鴉
過陳孺子故里

謝包京

戶牖依然在茆茨非舊隣不知今日社分肉更何人
七言絕句

唐

僕自湯還都經龍門北溪莊宿張丞相崔禮部崔
光祿竝枉垂光顧數公夙敦道義雅尚林壑謂急
於幽尋故此命駕遂不知別有勝賞偶然相遇寒
暄未周神意已往雲霞之致茂而不存逸轡友
清塵徒企感嘆不已而贈是詩奉和前韻

韋嗣立

乘春被襖逐風光
扈蹕陪鸞渭渚傍
還笑當時水濱
老衰年八十待文王

博浪沙

胡曾

一擊車中膽氣高
祖龍社稷已驚搖
如何十二金人
外猶有人間鉄未消

清

博浪沙

盧鑄

秦帝時維廿九春
東巡客犯屬車塵
休將此事例齊
豹史氏特書韓國人

其二

一推誤擲畫無成
牢落千秋氣不平
莫怪深藏遠大

索世間故自重荆卿

博浪沙

堵之峻

魯秦何用訪專諸
敝蓆爲門孺子居
宰肉里中饒智
計戶鄉曾否一停車

其二

壯土碧凝血已寒
代移非復舊衣冠
沙邊猶照秦時
月無數鳩鵲聚遼灘

張大夫寨

楊春泰

雲屯沙嶺夕陽斜
幾度寒煙掃落花
盡日孤村無客

到樵音遠近有人家

夏日過桑園

蔭林

俯美雲黃旨醜幽漢時風雅委平疇欲從桑者詢遺
事嚙嚙鳴蜩灌木修

過桑園

楊春泰

翟芾東征日已斜當年信宿是誰家平原驟邁迷荒
艸隨意飄風吹黍花

其二

垂楊夾道夕陽斜萬里孤征曹大家日用東西曾幾

度倉庚處處啄桑花

夏日河工

王居

長夏園林好自休何緣日與水鷗儔役夫千萬汗揮
兩淚起黃河兩岸流

秋日過沁河故道

楊春泰

沁河還入大河流野草野雲不解愁此地徘徊多古
意幾憐明月照盧邱

秋日同謁魏公祠

盧鑄

天寒雲凍野椒檠父老壺觴百代傾荒院到今猶古

色夜來風雨自松聲

見舊志詠劉婦貞烈事成此

趙賓

三尺荒墳艸徑迷樵人歸去夕陽低至今塚上冬青
樹夜夜飛鳥不敢棲

觀麥喜做竹枝詞體四首

談諛督

松庭知縣

趁好晴晴雨雨天香鬢吐穗玉苞圓儂家碌碌排場
早不怕催債麥口錢

其二

不分高下幾重嶺道頓年此景無指日腰鎌齊上

地太平車載去輪租

其三

濱河莫道半灘沙
水刷沙肥麥似麻
更喜高墜鋤雨
透碧油油葉裏紅花

其四

斥鹵由來棄不毛
東耘西耨嘆徒勞
於今滿隴青黃
穗始信天工有柄操

曉出觀秋禾喜占二絕

談謔曾

殘槩參差一水迴
么荷風漾碧錢開
畦丁曉汲澆蔬

圃却訝花驄傍柳來

其二

早穀垂垂早黍齊
秫禾高颺木棉低
幽風六月先堪繪
關鴨欄邊祝乳雞

博浪沙

馬震生

何事爭傳博浪沙
報韓未就意猶賒
必須納履圮橋後
一片忠誠映日華

博浪沙

費兆祥

博浪城邊一望斜
白雲黯澹映平沙
相逢漫下韓亡

淚槌碎竊秦是副車

博浪沙

費考祥

輦路青青草色聯子房怒氣鎖雲烟一槌未了讐秦
志震起炎劉四百年

咏張子房

馬遵祖

一錐未遂恨難持須借沛公作指麾用漢原非爲漢
用此中雄略有誰知

閱舊志有漢吳張二義烈

楊新

血染征袍透甲紅將軍聯袂挽雕弓丹心並効睢陽

死烈烈英光萬古同

排律

唐

偶遊龍門北溪忽懷髡山別業因以言志示弟淑
奉呈諸大僚

韋嗣立

幽谷杜陵邊風烟別幾年偶來伊水曲溪嶂各依然
傍浦憐芳樹尋崖愛綠泉嶺雲隨馬足山鳥向人前
地合心俱靜言因理自玄短才叨重寄尸祿愧妨賢
每挹桂冠侶思從初服旋稻梁仍欲報歲月坐空捐

助岳無纖塊，翰溟調未涓。還悟北轅失，方求南澗田。
明

自大過渡河趨陂沙岡

李夢陽

凌春遠行邁，游目恣沿日。漸辨林中曙，遠失霞上月。
觸物誰爲情，悲歡何可歇。載登隋疆場，况眺宋城闕。
陽坡散初柳，陰曲峙寒雪。只此判氣候，豈必殊燕粵。
泔泔濁河駛，粲粲晨風發。揚帆截驚瀨，倚棹望窮髮。
鳧雁眇難卽，汀蘆翠堪結。美人旣莫期，天路復幽絕。
陂岡鬱參錯，岬沙皓明滅。日暮孤雲興，何以慰忡悒。

論曰古之人盤盂有銘几杖用誠郊勞聘問燕饗賦
歌文之不可已也彰彰已陽武傅浪舊地代有聞人
卽

國朝以來趙比部風流大雅張長興古學淵深著作之
富等身題咏之繁遍境他如志士言懷騷人弔古傷
一吟諷動關至性略載一二以俟採風者之流覽焉

陽武縣志卷之十二

灾祥志

志之有灾祥也謹天變也謹天變事必繫於其邑者何也如春秋書有蜮有蜚專乎魯也乃事不繫于其邑而亦臚焉載焉者何也祀所見也志倣此意者何曰修省之預防之也書曰惠迪吉從逆凶惟影響洪範曰休徵曰咎徵天行與人事相應不爽夫豈待隕石退鵠而後敬謹恐懼哉志灾祥

漢

靈帝中平元年夏艸生其莖糜纍腫大如手指狀似鳩雀龍蛇之形五色各如其狀毛羽頭目足翅皆具近妖艸也是歲黃巾賊起后兄何進與弟苗皆爲將軍領兵苗封濟陽侯與進秉威權漢遂微弱自此始焉此其兆也

南北朝

後周建德六年有獸三狀如水牛一黃一赤一黑赤與黑鬪久黃者白傍觸之黑者死黃赤俱入于河黑周所尚也死者滅亡之象後數載隋代周旂

雜尚赤戎服以黃是其驗也

周

大象元年有鯉魚乘而鬪良久乃落

五代漢

乾祐元年秋七月蝗

宋

咸平五年野蠶成繭

天聖二年八月大旱

明

成化二十年大饑人相食賑

正德三年歲歉

嘉靖七年春夏旱秋七月蝗蝻生害稼殆盡八年
春饑餓殍相望人相食賑

十五年蝗

十七年夏四月雨六月止平地深數尺

十八年歲饑

三十二年春三月八寶門外白晝無人聞有可悲
近狀時皆以爲鬼哭如是三日莫知其所以是歲

河溢衝漂朽棺枯骨不計其數蓋亦物有先知云
三十三年夏大疫人病死者以萬計貧無棺殮者
甚衆

三十四年秋七月蝗蝻生冬十月雷電大雨十二
月地震

三十九年夏早秋蝗蝻生

四十年夏四月雹六月地震

四十一年春三月風霾

四十二年秋七月大雨傾官民廬舍萬餘間

隆慶三年夏六月淫雨至九月終止平地水深數尺
田禾湮沒且妨播種二麥蓋前未聞者

四年春飢饉

萬歷元年夏四月夜冰雹大如鷄子須臾平地如
集二麥土平民飢賑

十三年春旱民飢秋冬旱

十四年春夏大旱民飢賑六月小雨七月蝗蝻生
八月風霾異常秋禾一空

十五年三月初三日地震有聲二次春夏不雨民

大飢冬十月人相食大賑

十六年春至四月民大飢人相食瘟疫大作十
八九屍骸盈野臭不可聞夏五月淫雨至六月終
止朽爛二麥如糞

十八年三月風驟初二日未時自北飛沙走石白
晝如晦閃火光至次日酉時止破房屋無數民大
飢賑初七日日月並行

二十一年春雨電無麥

二十四年蝗蝻生

二十八年春虎狼成羣爲害

三十四年蝗無稼

四十年蟲生食麥

四十四年蝗無秋

四十八年大荒是年乃泰昌元年天啟元年也野
蚕成繭

天啟二年二月地震人大災

四年春旱

六年五月有黑風驟雷暴雨拔樹傾屋晝晦

崇貞五年秋淫雨殺稼

七年二月顧王廟雨石炭四方谷里餘六月雨八十餘日

九年四月雨雹大如鷄子

十三年二月二十一日風霾天赤如血有頃晝晦
春夏大旱八月霜殺禾九月土賊張叛子等聚衆
肆掠于縣之南本縣千總吳加增張琳出禦死焉
賊遂圍城七日夜總兵陳永福破賊解圍殺三千
餘級又叅將李建功領兵追剿餘黨始滅已而遊

擊高貴領兵屯縣東軍無見餉以人爲糧獲賊營
婦女三百餘口知縣李輝鉉發令歸家是歲民大
飢人相食

十四年春瘟疫大作死者十九滅絕者無數四月
蝗蝻生無麥八月蓬蒿成寔人類以活

十五年春大旱十一月城濼冰結梅花葉分明如
畫圖長可丈許自東門震方綿至翼地

國朝

順治五年三月蝗蝻生知縣汪浴日率民捕瘞七

年春夏亢旱知縣姜光印那借谷豆三百石民得
佈種

八年春亢旱七月水雹害稼

九年五月淫雨房屋傾圮秋禾泮沒兼沁水東注
將潰八寶門知縣姜光印率畚夫築捍城不復隍
仍申文上臺是歲租稅免十之三

十一年二月春民飢賑

十二年秋旱

十三年蝗

陽正縣志 卷之十二
十五年春旱無麥

十六年河溢

十八年六月雨雹損稼

康熙元年八月沁河決大堤南一帶盡淤

二年七月暴雨滄禾水溢決堤入河

四年春旱麥盡枯

五年四月雨雹如鷄子田禾傷損

七年六月地震有聲太白晝見十一月彗星見

九年春旱人疫

十一年夏旱蝗蝻生

十四年淫水傷禾

十五年秋冬不雨麥種未佈

十八年七月地震八月淫雨四十日禾稼渰沒壞
廬舍若干

二十年春旱五月水雹六月大雨傷禾

二十二年四月藥雨傷麥盡槁民飢

二十三年春賑飢五月黑風暴雨登晦拔樹木屋
瓦皆飛七月淫雨至八月中止田禾渰沒壞房屋

若干

二十五年夏旱祈禱

二十六年六月淫雨至七月初旬止秋禾盡渰

二十七年春旱三冬無雪

二十八年春旱六月蟲生傷禾七月大旱晚秋盡

稿奉文給散麥種十二月民飢賑

二十九年元旦大霧自春至夏不雨麥禾盡槁牛

畜疫死

題請蠲免七月生異蟲食穀殆盡蝗蝻重生

三十年春旱黑風傷麥秋蝗蝻生民飢

三十一年春風霾傷麥夏旱人疫

三十二年春糞賑夏六月天鼓响蝗蝻遍野

三十四年四月內地震有聲秋霪雨傷禾

三十六年麥秋豐收

四十一年春風霾六月霪雨傷禾七月沁河水來

田苗淹沒民飢

四十二年春糞賑六月霪雨傷禾

題詩蠲免民大飢

四十七年春夏大旱民飢奉文煮賑

四十八年春旱九月內地震

五十三年春夏大旱八月霜殺穀人民逃亾大半

五十四年春風霾傷麥民飢

五十七年春旱六月沁河水發田苗滄沒奉文煮

賑

五十九年六月地震

六十年春黃風傷麥夏六月黃河決口夾堤肉遍

地行舟冬月煮賑

六十一年三月地震

雍正元年春旱奉文褒賑

四年春旱臣生六月霪雨傷稼

八年春風霾屋瓦亂飛二月內大霜

乾隆一年春風霾六月霪雨至七月止平地水深數

尺秋禾湮沒

三年十一月地震

四年春旱五月內地震六月內大雨十天房屋傾

圯秋禾盡澆

題請蠲賑

五年五月蝗蝻生食禾

八年二月至七月不雨民大飢

九年麥豐收秋雨歉少

論曰史官載筆災祥並書然祥不可邀而災不能弭
莫邀莫弭則惟有修德以俟之所謂盡人以承天
也陽武地濱大河水決而民魚自昔然矣近或偏
災迭見澤有哀鴻所謂災再從承重實蝗不入境
虎乃渡河厲氣銷而天庥至鞫有賴乎握應成之